

SUA EXELÉNSIA PRESIDENTE REPÚBLIKA PROMULGA ONA ORSAMENTU JERÁL ESTADU BA 2017, AKOMPAÑA HO MENSAJEN BA PARLAMENTU NASIONÁL

Sua Exelénsia Presidente Repúblika, Taur Matan Ruak, kuarta-feira ohin promulga ona Orsamentu Jerál Estadu ba 2017. Hamutuk ho promulgasaun, Xefe Estadu haruka mós mensajen ida ba Parlamentu Nasionál.

Iha mensajen hirak-ne'e, Presidente Repúblika hanoin hikas fali avizu sira-ne'ebé mak nia halo beibeik ona iha tinan ikus hirak ne'e, kona-ba nesesidade atu asegura sustentabilidade hosi ita-nia dezvoltimentu ekonómiku ne'ebé OJE rasik sai instrumentu prinsipál ba. Dezvoltimentu nasaun nian la bele depende de'it ba realizasaun hosi despeza públika ne'ebé mak finansia hosi Fundu Mina-Rai. Haktuir OJE ba tinan 2017, ita sei ultrapasa Rendimentu Sustentavel Estimadu liu dobru no sei gasta besik totál hosi reseita fiskál, nune'e bele fó prejuízu ba foin-sa'e sira-nia futuru. Hodi dada investimentu estranjeiru mai rai-laran, nu'udar justifikasaun atu hili opsaun sira-ne'e, ita presiza investe maka'as liután iha edukasaun kuadru sira-nian, iha estabilidade setór justisa nian no mós iha sidadaun sira-nia kondisaun moris, duké antesipa investimentu públiku hodi halo infraestrutura boot hirak. Presidente bolu atensaun mós ba nesesidade atu rigorozu liután kona-ba kontas públikas hodi kontabiliza didi'ak osan montante sira-ne'ebé mai hosi Fundu Autónomu sira no reseitas fiskais Estadu nian, la'ós hosi entidade autónoma sira. Xefe Estadu alerta mós ba nesesidade atu asegura investimentu públiku nia qualidade no mós likidés iha ekonomia atraves selu kompromisus Estadu nian, ne'ebé sai razaun ba OJE retifikativu 2016 nian.

Iha ninia mensajen ikusliu ba Parlamentu Nasionál relasiona ho OJE, Sua Exelénsia Presidente Repúblika alerta mós ba nesesidade atu kria kondisaun estabilidade hirak iha tinan oinmai - tinan eleisaun ninian - iha debate kona-ba kestaun barak sira-ne'e ne'ebé buka serbí ita-nia nasaun nurak ne'e nia di'ak.

Palásiu Presidente Nicolau Lobato, lora 28 fulan Dezembru tinan 2016

SUA EXCELÊNCIA, O PRESIDENTE DA REPÚBLICA, PROMULGA O ORÇAMENTO GERAL DO ESTADO PARA 2017, MAS ENVIA MENSAGEM AO PARLAMENTO NACIONAL

Sua Excelência, o Presidente da República Taur Matan Ruak, promulgou hoje o Orçamento Geral do Estado para 2017, que fez acompanhar de uma mensagem enviada ao Parlamento Nacional.

Nesta mensagem, o Presidente da República relembra os avisos que tem feito ao longo dos anos relativamente à necessidade de garantir a sustentabilidade do nosso desenvolvimento económico, de que o OGE é o principal instrumento. Não será possível manter o nosso desenvolvimento alicerçado apenas na realização de despesa pública financiada pelo Fundo Petrolífero. Para 2017, o OGE prevê que o Rendimento Sustentado Estimado seja ultrapassado em mais do dobro e que seja gasta a quase totalidade da receita fiscal, com potencial prejuízo para o futuro dos nossos jovens. Para a atracção de investimento estrangeiro, que fundamenta estas opções, é mais imperioso investir na educação dos nossos quadros, na estabilidade do sector da justiça e na melhoria das condições de vida dos nossos cidadãos, mais do que antecipar o investimento público em mega infra-estruturas. O Presidente alertou também para a necessidade de maior rigor nas contas públicas, contabilizando adequadamente os montantes transitados dos Fundos Autónomos e as receitas fiscais a favor do Estado e não de entes autónomos, para a necessidade de garantir a qualidade do investimento público, bem como de garantir a liquidez na economia pelo pagamento dos compromissos do Estado, razão do OGE rectificativo de 2016.

Na sua última mensagem ao Parlamento Nacional relativa ao OGE, Sua Excelência, o Presidente da República, alertou ainda para a necessidade de garantir condições de estabilidade no próximo ano de eleições no debate de muitas destas questões, mas sempre orientadas ao bem comum da nossa jovem Nação.

Palácio Presidente Nicolau Lobato, 28 de Dezembro de 2016